



Hookahuli ia ka pohihihi no ka ma'i coronavirus (mai ka ahahui WHO mai).

1. **AOLE** e kaohi ia ka ma'i coronavirus (COVID-19) ma ka puka ana iwaho i kahi e pa mai la ka la a i ole ma kahi wela he 77°F (25°C) a oi.



2. Hiki no ke ola hou mahope o ka loa ana i ka ma'i coronavirus (COVID-19). Ke loa oe i ka ma'i coronavirus hou, **AOLE OE** e ma'i a pau loa ke ola ana.



3. Ke hiki ia oe ke paa i ka hanu a i ole ke kaohi oe i ke kunu a i ole ina pau ke ano e o loko o ke kino he 10 kekona a oi ka loihi, **AOLE** kela he hoailona o ke ola loa o ka ma'i coronavirus (COVID-19) a i ole kekahi ano ma'i o ke akemama.

10 sec




Hookahuli ia ka pohihihi no ka ma'i coronavirus (mai ka ahahui WHO mai).

4. Ke inu oe i ka lama, **AOLE** ia he hana e pale ai i ka ma'i COVID-19 a he hana weliweli no paha ia hana.



5. **HIKI NO** ke laha ka ma'i COVID-19 ma na wahi wela a ikiiki no paha.



6. **AOLE** e pau ka ma'i coronavirus hou iloko o ke anuanu a me ka hau keokeo.



7. Ke auau oe i ka wai wela, **AOLE** pela e kaohi ia ai ka ma'i coronavirus hou.



Hookahuli ia ka pohihihi no ka ma'i coronavirus (mai ka ahahui WHO mai).

8. **AOLE** hiki ke holoholo ka ma'i coronavirus hou ma o ka makikana e kiki ia oe.



9. **AOLE** e pepehi ka mikini puhi ea hoomaloo lima i ka ma'i coronavirus hou.



10. **AOLE** e pepehi ia ka ma'i coronavirus hou ma ke kiki ana i ka laau alekohola a i ole ke chlorine maluna o kou kino.



11. **AOLE** e pale na ano laau pale numonia ia oe i ka loa mai o ka ma'i coronavirus hou.




Hookahuli ia ka pohihihi no ka ma'i coronavirus (mai ka ahahui WHO mai).

12. AOLE he kokua ke kaka oe i kou ihu me ka laau saline no ka pale ana i ka ma'i coronavirus hou.



13. AOLE e kokua ka ai ana i ka akaakai pilau ma ka pale ana i ka ma'i i ka ma'i coronavirus hou.



14. AOLE e hoohana i ke kukui UV no ka hoomaemae ana i na lima a i ole kekahi wahi o ka ili, oiai o ke kukui UV ke kumu o ka palapu o ka ili.



Hookahuli ia ka pohihihi no ka ma'i coronavirus (mai ka ahahui WHO mai).

15. Pehea ka nui o ke kupono o ka mikini ana piwa i ka hoomaopopo ana ina ua ma'i kekahi poe i ka ma'i coronavirus hou?




He kupono no ka hana a na mikini ana piwa i ka hoomaopopo ina he piwa no ko kekahi poe (oia hoi, ua pii ka wela maluna ae o ka wela maamau o ke kino) mamuli o ka ma'i i ka ma'i coronavirus hou. Aka, aole e ike ia ka poe me ka ma'i iloko o ko lakou kino aole nae i mohala mai ka piwa. O ke kumu, no ka mea, he pono e hala 2 a 10 paha la mamua o ka loohia o ke kanaka i na hoailona o ka ma'i a mohala mai ka piwa.

Hookahuli ia ka pohihihi no ka ma'i coronavirus (mai ka ahahui WHO mai).

16. He loohia no ka poe makule i ka ma'i coronavirus hou, a i ole he loa pu ka poe opio i ua ma'i hookahi la kekahi?

O ka poe a pau loa ka poe hiki ke loa i ka ma'i coronavirus hou (2019-nCoV) ina elemakule a opiopio no paha.



17. AOLE he kokua ka laau kaohi ma'i no ka pale ana me ka lapaau ana i ka ma'i coronavirus hou.



18. AOHE laau lapaau nana e pale aku a lapaau paha i ka ma'i coronavirus hou.



Hookahuli ia ka pohihihi no ka ma'i coronavirus (mai ka ahahui WHO mai).

19. AOLE na ka oihana 5G no ke kelepona hele e hoolaha i ka ma'i COVID-19.



20. AOLE e pale a aole e hoola ka inu ana i ka methanol, ka ethanol, a i ole ka bleach i ka ma'i COVID-19 a he hana weliweli loa kela.



21. AOHE wahi pale o ke kiki a i ole ke ale ana paha i ka bleach a i ole kekahi ano laau pale mu no ka pale ana i ka ma'i COVID-19 a he hana weliweli loa.



Hookahuli ia ka pohihihi no ka ma'i coronavirus (mai ka ahahui WHO mai).

22. AOLE nalo ma ka hale e hoolaha i ka ma'i COVID-19.



23. AOLE he kokua ke hohuihui oe i ka nioi maloko o kau kai kupa a i ole kau meaai no ka pale ana i ka ma'i COVID-19.



24. AOHE wahi laau i keia manawa i laikini ia no ka lapaau ana a i ole no ka pale ana i ka ma'i COVID-19.



COVID19 Myth Busters in World Languages

- Maintained by ICU Linguistics Lab and *Dr. Seunghun J. Lee* in Tokyo, Japan.
- Translated by *Keao NeSmith, PhD.*
- Designed and illustrated by *Daehan Won* of Studio C-clef in Seoul, Korea.